



ПРИЛОЖЕНИЕ

**В Неделю 4-ю по Пятидесятнице
Преподобных Псково-Печерских***

НА МАЛЕЙ ВЕЧЕРНИ

На Господи, воззвах: стихиры воскресны на 4, глас 3.

Слава, святых, глас 6:

Приидите, людие христоролюбивии, / восхвалим днесъ преславный собор преподобных, / иже во обители Псково-Печерстей / подвиги многими угодиша Христу Богу, // с нимиже и Пречистую Богоматерь, славяще, величаем.

И ныне, Богородичен воскресен малыя вечерни, глас 3: Превелие чудо:

На стиховне стихира воскресна, глас 3: Страстию Твоею, Христе, омрачивый солнце:

И стихиры святых, глас 2.

Подобен: Егда от Древа:

Приидите, монашеское сословие, / любовьию воспойм собор святых, / иже во обители Псково-Печерстей / житием своим равноангельным, / верою же и труды смиренными / и Божественными дарованиями / улучиша у Христа Бога / блага вечная, // того ради и похвалим их достойно.

Стих: Честна пред Господем / смерть преподобных Его.

* Служба совершается в соединении с воскресной службой 3-го гласа Октоиха.

Ублажим днесь лик богоносный, / преподобных
 Марка, Иону и преподобную Вассу, / иже страну Псков-
 скую благодатию напоивше, / учением Христовым вся
 люди просвещашу, / и Крест спасительный, яко древо
 жизни вечныя, / в дѣбрех Псково-Печерских утверди-
 ша, / и освятиша место сие труды и молитвами своими, //
 темже и дом Пречистыя зде устроиша.

Стих: Блажен муж, бойся Господа, / в заповедех
 Его восхощет зело.

Похвалим пѣснями честными / преподобномученик
 двоицу, Корнилия и Вассиана, / яко друзи быша даже
 и до смерти, / и Дорофея, иже образом Пречистыя Пе-
 черским / на стране далече Ярославстей люди освяти, /
 почтим и Лазаря праведна, благодати тайника, // иже
 молитвами, Христе, спаси души наша.

Слава, глас 1:

Земли Псковския радование, / обители Печерския
 крепкое предстательство, / соборе святых дивный, /
 ныне к вам вси прибегающе, / молитвы приносим теп-
 лыя // и любовь почитаем память вашу.

И ныне, Богородичен, глас тойже: Се исполнися
 Исаиино проречение:

По Ныне отпускаеши: тропарь воскресен, глас 3:
 Да веселятся Небесная: **Слава, святых, глас 6 (писан
 на велицей вечерни).** **И ныне, Богородичен первый, по
 гласу тропаря святых.**

НА ВЕЛИЦЕЙ ВЕЧЕРНИ

**На Господи, воззвах: стихиры воскресны гласа 3,
 Анатолиева едина и святых на 6.**

Стихиры святых.

Глас 1.

Подобен: О, дивное чудо:

Блаженна страна Псковская / и преславна чудесы /
 обитель Печерская, / имущи вас, соборе дивный, / отцы
 наши преподобнии. / Веселися, Пречистыя доме, / та-
 ковыя почитая предстатели, / иже Богородицу и Матерь
 всем милосердную / за ны умоляют присно, / темже,
 людие, возрадуемся и восхвалим // сия молитвенники
 о душах наших.

Глас 2:

О сокровищнице Господня, / лице начальный святых Псково-Печерских, / преподобнии Марко, Ионо, матери Вассо, / явили бо есте непорочным житием вашим / образ спасения уставы Богоданными / и вся полки бесовския низложили есте, // темже и нас ныне от тьмы греховныя избавляете.

От юности Христа возлюбивый / и душу твою добродетельми удобривый, / Корнилие чудный, / неустанно учил еси люди вере Христове / и обитель Печерскую дивно украсил еси, // да подвигом твоим примешь от Господа венец уготованный нетленный.

Слава, глас 6:

На земли ходиша тесною стезею, / красных мира отвергшася / и в подвизах иноческаго жития Вышних достигша. / Темже и нас, иночествующих во обители Печерстей, // молитвами вашими обогатите сокровищем нетленным.

И ныне, Богородичен первый гласа: Како не дивимся:

Вход. Прокимен дне. И чтения.**Премудрости Соломоновы чтение (глава 3):**

Праведных души в руце Божией, и не прикоснется их мука. / Непщевани быша во очесех безумных умерети, и вменися озлобление исход их. / И еже от нас шествие сокрушение, они же суть в мире. / Ибо пред лицем человеческим аще и муку примут, упование их безсмертия исполнено. / И в мале наказани бывше, великими благодетельствовани будут, / яко Бог искусил я и обрете их достойны Себе. / Яко злато в горниле искусил их и яко всеплодие жертвенное прият я. / И во время посещения их возсияют и, яко искры по стоблию, потекут. / Судят языком и обладают людьми, и воцарится Господь в них во веки. / Надеющиеся Нань разумеют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтение (главы 5 и 6):

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, /

зане́ десницею покрѣет я и мѣшцею защитѣт их./
 При́мет всеору́жие рвѣние Своѣ и воору́жит тварь в
 мечь враго́м./ Облечѣтсѣ в броня́ правды и возложѣт
 шлем, суд нелицеме́рен./ При́мет щит непобедѣмый,
 преподо́бие./ Поостри́т же напрасный гнев во ору́жие;/
 спобо́рет же с ним мир на безу́мныя./ По́йдут право-
 лу́чныя стрѣлы мо́лниины/ и, я́ко от благокру́гла лу́ка
 облаков, на наме́рение полетѣт./ И от каменомѣтныя
 я́рости испо́льн паду́т гра́ды,/ вознегодѣет на них вода́
 морская́, ре́ки же потопѣт я на́гло./ Сопро́тив ста́нет
 им дух си́лы и, я́ко вѣхор, развѣет их,/ и опустоши́т всю
 зѣмлю беззаконіе, и злоде́йство преврати́т престолы
 си́льных./ Слы́шите у́бо, ца́рие, и разумѣ́йте, навѣк-
 ните, суди́й концевъ землі./ Внуши́те, держа́щии мно́-
 жества и гордя́щися о наро́дехъ язы́ков,/ я́ко дана́ есть
 от Го́спода держа́ва вам и си́ла от Вы́шняго.

Премѣдрости Соломо́новы чтѣние (глава́ 4):

Праведник, аще пости́гнет сконча́тисѣ, в поко́и
 бу́дет./ Ста́рость бо честна́ не многоле́тна, ниже́ в
 числѣ лет исчита́етсѣ./ Седи́на же есть му́дрость чело-
 ве́ком, и во́зраст ста́рости жити́е несквѣрное./ Благо-
 уго́ден Бо́гу быв, возлю́блен бысть, и живѣ́й посреде́
 грѣшников предста́влен бысть./ Восхи́щен бысть, да не
 зло́ба изменѣт ра́зума егѣ, или́ леть прельсти́т ду́шу
 егѣ./ Рачѣние бо зло́бы помрача́ет добра́я, и парѣние
 по́хоти пременя́ет ум незло́бив./ Сконча́всѣ вмале́,
 испо́лни ле́та до́лга./ Уго́дна бо бе Го́споду душа́ егѣ,
 сегѣ ра́ди потща́ся от среде́ лукавства́./ Лю́дие же
 ви́девше и не разумѣ́вше, ниже́ положи́вше в помы́шле-
 нии таково́е./ Я́ко благода́ть и ми́лость в преподо́бныхъ
 Егѣ, и посещѣние во избра́нных Егѣ.

На литіи стихіры святѣхъ.

Глас 3:

О собѣре святѣхъ Пско́во-Пече́рскихъ,/ просия́вши,
 я́ко свети́ла многосветла́я,/ во мра́це пещѣры, Бо́гом
 зда́нныя,/ иде́же возгорѣся в сердца́хъ ва́ших пла́мень
 Ду́ха Свята́го,/ сегѣ ра́ди просветѣте вся лю́ди ве́р-
 ныя/ и моле́ньми крѣпкими ва́шими/ распала́йте ны
 ко Го́споду любѣвию, // во е́же спастѣся воспева́ю-
 щим вас.

Глас 5:

Умы очищенными/ Пресвятѣй Трѳице предстояще, преподѳбнии,/ и Тояже славою осеняемии,/ вся ны просветите/ и за чтущая вас инокъ множества и люди вѣрныя,/ к мощем честнымъ вашимъ приходящия,/ Жизнодавца Христа умолите, // во еже спастися душамъ нашимъ.

Путемъ тѣснымъ/ шествующе, отцы Печѣрстии,/ дѣлы вашими явили есте,/ како в широту райскую/ добре ходящии во Христѣ вводими бывають,/ онемъ же путемъ, преподѳбнии, // приведите ко Христу и вся вѣрныя.

Слава, глас тойже:

Радуются вси людие вѣрнии,/ и земля Псковская ликует,/ празднующи соборъ святыхъ Печѣрскихъ,/ ихъ бо житиемъ благочестнымъ/ украсися Церковь Русская,/ юже Господь таковыми столпы утверди,/ техъ молитвами да подастъ благодать Свою // ко спасению душъ нашихъ.

И ныне, Богородичен, глас тойже: Храмъ и дверь еси:

На стиховне стихиры воскресны, глас 3.**Слава, глас 1:**

Земли Псковския радование,/ обители Печѣрския крепкое предстательство,/ соборе святыхъ дивный,/ ныне к вамъ прибегающе,/ молитвы приносимъ теплыя // и чтимъ любовью память вашу.

И ныне, Богородичен, глас тойже: Се исполнися Исаиино проречение:

Тропарь, глас 6:

Соборъ святыхъ Псково-Печѣрскихъ днесь почтимъ,/ в дѣбрехъ лесныхъ обитель чудную основавшихъ,/ и, яко крѳны, добродетельми процветшихъ,/ и людемъ правый путь богоподобия указавшихъ,/ молятъ бо Господа // миру мир даровати и велию милость.

НА УТРЕНИ

На Богъ Господь: тропарь воскресенъ гласа, дважды. Слава, тропарь святыхъ. И ныне, Богородиченъ воскресенъ по гласу тропаря святыхъ.

По 1-м стихословии седáлен, глас 1:

Соборе святых Псково-Печёрских, / преподобнии отцы наши, молим вы прилежно, / сохраните от бурь и искушений обитель сию, / дом Пречистой Богоматере, / иноков, в ней подвижающихся, / и всех верных, тихую пристань zde обретающих.

Слава, и ныне, Богородичен:

Настави ны на путь покаяния, уклоняющихся присно к злым безпутием, / и преблагаго прогневающего Господа, / неискусобрачная, благословенная Марие, / прибежище отчаянных человек, Божие обиталище.

По 2-м стихословии седáлен, глас 2:

Днесь обитель Псково-Печёрская светло сияет, / святых отец своих память творящи, / днесь людие окрестнии радуются, / во псалмех и пениих славяще Господа, / давшаго таковыя предстатели и заступники.

Слава, и ныне, Богородичен:

Тобю, Богородице Приснодево, / Божественнаго естества быхом общницы, / Бога бо нам воплотившагося родила еси, / темже по долгу Тя вси благочестно величаем.

Величание:

Ублажаем вас, / преподобнии отцы наши Псково-Печёрстии, / и чтим святую память вашу, / наставницы монахов // и собеседницы Ангелов.

Псалом избранный: Терпя, потерпех Господа:

Ипакой гласа.

По полиелѣи седáлен, глас 1:

Наста ныне, отцы богоноснии, / светозарный собора вашего праздник, / проповедует днесь обитель Псково-Печёрская / и Церковь Русская славу вашу, / величающе вас Прославльшаго.

Слава, и ныне, Богородичен:

Безвестная Чистая Дево Богородице, / едина верных Предстательнице и покрове, / бед и скорбей, лютых обстояний вся избави, / на Тя надежду, Отроковице, имущия, / и души наша спаси Божественными мольбами Твоими.

По 50-м псалмѣ, аще храм, стихира святых, глас 7:

Приимите ныне благодарение чад ваших, / преподобнии отцы Псково-Печерстии, / яко не оставили есте нас любовию отчею / и тою страстей наших коварства разоряете, / да приимем от Господа дарования Небесная, // подражающе деянием вашим боголюбезным.

Аще кроме храма, стихира, глас 6: Воскрес Иисус от Гроба:

Канон воскресный гласа на 4, Богородицы на 2 и святых на 8.

Канон святых, глас 2.

Песнь 1

Ирмос: Во глубине постла иногда / фараонитское всевоинство преоруженная сила, / воплощенное же Слово всезлбный грех потребило есть, / препрославленный Господь, // славно бо прославися.

Припев: Все святии Псково-Печерстии, молитесь Бога о нас.

Приидите, иноки множества, приидите, духовное словение и людие вернии, / составим лик празднующих, / днесь духовная наша трапеза, днесь нам Небесное радование, / совершающим святую память отец наших.

Светло совершаем торжество ваше сие и достойно почитаем вы, / преподобнии Марко, Ионо, Корнилие, матери Вассо, Вассиане и Дорофее, / Богу угодившии и на Небесех со всеми святыми прославлении.

Ничтоже возлюбив на земли паче Зиждителя, / прияли есте труды и подвиги любви ради Христовы, / темже сподобилися есте наследия праведных, / молитесь Христа о нас, почитающих память вашу.

Богородичен: Достойно есть хвалити Тя, мира Владычицу, / яко и месту сему дольнему даровала еси Небес велеление, / мы же, веселящися, прославляем Тя, Мати щедрот, / мир подающую обители сей и велию милость.

Катавасия: Отверзу уста моя:

Песнь 3

Ирмос: Процвела есть пустыня, яко крин, Господи, / языческая неплодящая церковь, / пришествием Твоим, // в нейже утвердися мое сердце.

Притецём ныне, вёрнии, первоначельника Печёрскаго Мάρка воспойм велегласно/ и о благочестнем Ио́не благодарне возрадуемся,/ их бо моли́твами смире́нными и во тьме земне́й пеще́р богозданных/ изли́йся благода́ти Небе́сныя светолі́тие Трисия́нное.

Пёсньми свяще́нными воспросла́вим и тя, преподо́бная Ва́ссо,/ я́ко міра сегó прелести возгнуша́вшись,/ возжелела еси́ о́браза ино́ческаго, во е́же еди́ному Христу́ послужи́ти,/ те́мже и вене́ц бра́чный на Небе́сныя сла́вы вене́ц премени́ла еси́.

Досто́йную похвалу́ принесём/ преподобному́ченику Корни́лию, игу́мену премудрому,/ и́же и днесь умудря́ет серде́ца на́ша до́бре,/ направля́я нас ко спасе́нию.

Богоро́дичен: Благода́тию Твоею, о Богома́ти,/ нас, скве́рны вся́кия исполненных, очисти и укрепі́,/ я́ко, ко о́бразу Успе́ния Твоего́ Печёрскому припа́дающе, зыва́ем си́це:/ не оста́ви нас, грешных, но помі́луй вся моли́твами преподо́бных оте́ц на́ших.

Конда́к, глас 2.

Подобен: В моли́твах неусыпающую:

Тебе́, Богоро́дице/ и Де́ве Чістей, за вся лю́ди Бо́га умоля́ющей,/ оби́тель Пско́во-Печёрская/ святы́х своі́х, я́ко дар, днесь прино́сит,/ Твоі́х же даро́в бога́тство кто испове́сть, // я́ко и в рай возвелá еси́ отцы́ на́ша.

И́кос:

Я́ко сад благоуханны́й, процвела́ есть оби́тель Пско́во-Печёрская святы́ми Твоі́ми, Го́споди,/ и́хже моли́твами оби́лие ми́лости Бо́жия источі́ся на ме́сте сем, по словеси́ премудраго:/ елика́ а́ще помолі́тся Тебе́ на ме́сте сем,/ и Ты услы́шиши на ме́сте жили́ща Твоего́ на Небеси́, и сотвори́ши, и ми́лостив бу́деши им./ Сея́ ми́лости прича́стницы б́ывше, смире́нно мо́лим Тя, Христе́:/ ми́лостив бу́ди ны́не и прісно ко святе́й оби́тели сей,/ моли́твами преподо́бных оте́цв на́ших, и́хже Пречи́стая Богоро́дица в рай введе́.

Седа́лен, глас 4:

Пско́во-Печёрская похвало́, отцы́ преподо́бнии,/ яви́лися есте́ я́ко ору́жницы Христовы́,/ моли́твы бо ва́ша я́ко меч духо́вный, грехи́ посека́яй,/ не преста́йте ходата́йствовати о чту́щих па́мять ва́шу све́тло.

Сла́ва, и ны́не, Богоро́дичен, глас то́йже:

**Де́во, Ма́ти благая́, ми́ру покрóве и заступле́ние,/
не оста́ви оби́тель Пско́во-Пече́рскую, я́коже во Успе́нии
ми́ра не оста́вила еси́,/
но спаса́й на Тя упова́ющия.**

Песнь 4

**Ирмо́с: Прише́л еси́ от Де́вы, не ходата́й, ни А́нгел,/
но Сам, Го́споди, вопло́щся,/
и спасл еси́ все́го мя
челове́ка./
Тем зову́ Ти:// сла́ва си́ле Твое́й, Го́споди.**

**Воспева́ем днесъ вас любóвию, подви́жницы Христо́-
вы:/
преподобно́мучениче Васси́ане, преподо́бне о́тче
Дорофе́е и Ла́заре, ста́рче пра́ведный,/
и́же процвелí естé во оби́тели сей, я́ко крíни ра́йстии.**

**Ра́дуйся, Це́рковь Росси́йская, возрасте́ бо в тебе́
апосто́льское се́яние Андре́ево,/
земли́ Ру́сския укра-
ше́ние, оби́тели чу́дныя Пече́рския,/
еди́на во стране́
Кíевстей, во Пско́встей же друго́я:/
и та о Бо́зе лику́ет,
и сия́ веселíтся, воспева́юще собо́ры святы́х своихъ.**

**Свет спаса́тельный возсия́ живу́щим о́крест оби́тели
Пско́во-Пече́рския,/
глас словéс Божéственных и хвалы́
Творцу́/
потрясе́ воздухъ прэ́жде непло́дныя пусты́ни,/
подви́гнув ве́рныя непреста́нно славосло́вити Христа́
Жизнода́вца.**

**Богоро́дичен: Богоро́дице Де́во, упова́ние наше, моли́
Сы́на Твоего́ и Го́спода нашего́/
сохранíти от всех бед
и напа́стей оби́тель сию́,/
ю́же преподо́бный Корни́-
лий вку́пе с подви́завшимися зде созда́,/
да вси почер-
па́ющии по́мощь неоску́дную от святы́нь ея́/
во вся дни сла́вят и ублажа́ют Тя, в пэ́снях велича́юще.**

Песнь 5

**Ирмо́с: Хода́тай Бо́гу и челове́ком был еси́, Христé
Бо́же,/
Тобо́ю бо, Влады́ко, к Светонача́льнику, Отцу́
Твоему́,/
от но́щи невéдения// приве́дение íмамы.**

**Жити́я трево́лнения ни во что же вмени́в, преподо́бне
о́тче наш Ма́рко преблаже́нне,/
в пусты́ню Пско́вскую
всели́лся еси́/
и в пещéре, Бо́гом зда́нней, в по́двизех
мно́зех сокровéнно пожи́л еси́,/
того́ ра́ди па́мьть тво́я
пребыва́ет во ве́ки.**

**Храня́ ве́ру правосла́вную, лати́няном не покорíл-
ся еси́/
и, от Юрьева гра́да изше́д, Иоáнне, иере́е Бо́га
Жива́го,/
храм Пречи́стыя в горе́ ископа́л еси́, возжада́в**

Той послужити во образе иночестем,/ наречён был Иона, в души своей богатство Духа Святаго собрал еси, преблаженне.

Егда болѣзнь смѣртная постиже тя,/ прияла еси образ ангельский, преподобная мати Вассо,/ гроб же твой по кончине силою Божию изнесен бысть двукратно из земли,/ да притекают люди вернии к раце мощей твоих.

Богородичен: Вся упования наша в Тебе, Мати Дѣво, имуще,/ молим Тя, яко святых славу и Владычицу милосѣрдную:/ даруй нам, преподобных Твоих ради, грехов исправление/ и иноческому житию споспешествуи присно, подаючи благодать Свою неоскудну.

Песнь 6

Ирмос: В бездне греховней валяясь,/ неизследную милосѣрдия Твоего призываю бездну:// от тли, Боже, мя возведи.

Явѣлся еси, преподобномучениче Корнилие,/ благочестия дивный наставник и обители Печерския строитель изрядный,/ украсил еси ю храмы святыми, такожде и окрест воздвизал еси их, чудь просвещая,/ ныне же в обители пребывая Небесней и Троице Святей предстои выну,/ моли спастися душам нашим.

Обогаша ты, отче Корнилие, лстецы злобнии,/ к безумию склонися царь Грозный и смерти ты предаде,/ темже и освятися твоею кровию обитель Псково-Печерская,/ и обогатишася тобою чада твоя, ту иночествующая, яко заступником пред Богом.

Памятующе подвиги твоя и борения и кончину от руки самодержца Россійскаго,/ скорбящая братия Псково-Печерская/ храм устроиша во имя твое, преподобномучениче Корнилие,/ в немже безкровную жертву приносят, хваляще и благословяще Бога.

Богородичен: Яже снабдением пскович благоверных и труды преподобных созданныя,/ почитаем пречестныя иконы Твоя, Богородице, просиявшия во обители Псково-Печерстей:/ Одигитрии, Звезды путеводныя, Успения и Умиления чудна,/ и, духовно веселящися, яко Саму Тя лобызаем, христианом похвало, спасения утверждение.

Кондак и йкос воскресен.

Песнь 7

Ирмос: *Богопротівное велѣние беззакѣннующаго мучителя/ высѣкъ пламень вознесло есть./ Христос же простре богочестивым отроком росу духовную, // Сый благословен и препрославлен.*

Времена и лета Церкви Псковския изъявил еси нам, преподобномучениче **Вассиане**,/ **Корнилию** богомудрому в летописании помогаая изрядно, таже и делом его ревнитель быв славный,/ ныне же с ним во Свете Трисианнем вопиеша согласно:/ благословен еси, **Боже отец наших**.

В трудех постнических яко благодати росу испивал еси вкупе со отцем нашим **Корнилием**, **Вассиане** преподобномучениче,/ такожде и чашу смертную испил еси с ним безвинно,/ и от царя земнаго к Царю Небесному предпосланы бысте, Тому вопиюще:/ благословен еси, **Боже отец наших**.

О преподобномучениче **Корнилие**, не остави и ныне молитвами твоими чада твоя,/ якоже и прежде ты, защитниче страны Псковския, не оставил еси ю в нашествие **Баториево**,/ но, быв ко Пречистей теплый ходатай, пред Нею предстал еси в видении чуднем над Псковом градом, со святыми вопия:/ благословен еси, **Боже отец наших**.

Богородичен: *Показа Небо Православия славу, егда явися на воздухе Мати всех верных,/ от нашествия же боев Баториевых Псков град и обитель Печерскую избавльши,/ горе бо святии со Корнилием Ю умоляху,/ долу же иноцы Печерстии со псковичи ко образу Ея со слезами припадаху, Богу вопиюще:/ благословен еси, Боже отец наших.*

Песнь 8

Ирмос: *Пещь иногда огненная в Вавилоне действия разделяше,/ Божиим велением халдеи опаляющая,/ верныя же орошающая, поющая:// благословите, вся дела Господня, Господа.*

Постнических подвигов желая сподобитися, преподобне отче наш **Дорофее**,/ во обитель Псково-Печерскую пришед, ветхаго человека совлеклся еси, добродетелей множеством украсився,/ темже и избра ты Пречистая Дева пренести образ Свой светозарный из предел

Печёрских в зёмлю Яросла́вскую, / да и та́мо возсия́ет сугу́бо благода́ть Богоро́дицы Пресла́вныя.

Отрасле духо́вная оби́тели Печёрския, богоно́се смире́нне Дорофе́е, / издревле страна́ Псковская и страна́ Яросла́вская ве́лию ве́ру к тебе́ и́мут, / я́ко в пе́рвей сам духо́вно умудри́ся, во друзе́й же и́ныя умудря́л еси́, в пусты́ню Югскую́ приходя́щая, / те́мже ты, уго́дника Христо́ва, велича́ем.

Лазаре, благоче́стия подви́жнице, равноа́нгельным и пра́ведным жити́ем твои́м в затво́ре / яви́лся еси́ насле́дник благ ве́чных, / та́кожде и нас, грешных, в пока́йнии утверди́, / да и мы моли́твами твои́ми просвети́мся и изба́вимся от се́тей вра́жиих, о́тче наш преблаже́нне.

Богоро́дичен: Богоро́дицу и Ма́терь Све́та Ты при́сно велича́юще, / ны́не гла́сы умиле́нными Ты воспева́ем, / я́ко дарова́ла еси́ нам собо́р преподо́бных Пско́во-Печёрских сла́вный, / еди́на Чи́стая и благослове́нная.

Песнь 9

Ирмо́с: *Безнача́льна Родите́ля Сын, Бог и Господь, / вопло́щся от Де́вы, нам яви́ся, / омраче́нная просвети́ти, собра́ти расточе́нная. // Тем Всепе́тую Богоро́дицу велича́ем.*

Недра земна́я не сокры́ша сокро́вища моще́й ва́ших, преподо́бнии Пско́во-Печёрстии, / и́миже источа́ете стру́й благода́ти, освяща́юще ду́ши на́ша, / да и мы вни́дем ко трапе́зе Христа́ Бо́га и Небе́снаго весе́лия прича́стницы бу́дем, / ваш собо́р почита́юще.

Велича́ет вас, преподо́бнии, оби́тель Пско́во-Печёрская, / на Святе́й горе́ во и́мя ва́ше храм созда́вшая, я́ко спобо́рником кре́пким в трудех и моли́твах, / и про́сит умилно́: моли́те Христа́ Бо́га согреше́нием оставле́ние дарова́ти / чту́щим любо́вию святу́ю па́мять ва́шу.

Тро́ичен: Триипоста́сный Бо́же, Живонача́льная Тро́ице, / сохраня́й оби́тель святу́ю сию́, / моли́тв ра́ди преподо́бных ея́, / во вся дни до сконча́ния ве́ка.

Богоро́дичен: Ра́дуйся, Обра́дованная, / во Успе́нии Твоём нас не оставля́ющая / и моли́твы преподо́бных о́тец Пско́во-Печёрских / к Сы́ну Твоему́ принося́щая о спасе́нии душ на́ших.

Свети́лен воскресе́н.

Сла́ва: святы́х:

Собо́ре святы́х Пече́рских, / странé Пско́встей украше́ние, / моли́тесь ко Го́споду / о всем ино́честве Росси́йстем / и о е́же просвети́ти чту́щия вас любóвию.

И ны́не: Богоро́дичен воскресе́н.

На хвали́тех стихи́ры воскресе́ны на 4 и святы́х на 4.

Стихи́ры святы́х, глас 8:

Духо́вными пе́снями преподо́бныя восхва́лим, / Ма́рка, Ио́ну, Корни́лия, / кúпно же Вассиа́на и Дорофе́я с преподо́бною Ва́ссою / и Ла́заря прозорли́ваго, схи́мника Пече́рскаго, / плотско́е мудрова́ние дýху повину́вщия, / поще́нии и сокрове́нными по́двиги очи́стившиися, / к ни́мже взыва́ем: // помина́йте нас, чту́щих па́мять ва́шу.

Глас то́йже.

Подобе́н: О, пресла́внаго чудесе́:

О преподо́бнии отцы́ Пско́во-Пече́рстии, / равноа́нгельное жити́е поживше, / труды́ по́стническими и добро́тами духо́вными / покорили́ есте́ телеса́ и ду́ши ва́ша Дýху Бо́жию, / и, я́ко зла́то в горни́ле, испытá вас Христос́ Бог, / те́мже и обре́те вас досто́йны Себе́, / и я́ко всепло́дие же́ртвенное при́ят, / моли́тесь ко Го́споду // спасти́ся душáм на́шим.

О Цари́це Небесе́ и земли́, / днесь собо́р святы́х Пско́во-Пече́рских / всехва́льно соверша́юще, / вопие́м Ти: / Благода́тная, ра́дуйся, / се Сы́на Твоего́ уго́дницы, / се предста́телие за нас пред Бо́гом благоче́стнии, / по́мощию Твое́ю тако́ви соде́яшася, // приими́ ми́лостивно моли́твы их о нас, грешных.

Глас то́йже:

Преподо́бнии отцы́ Пско́во-Пече́рстии, / предстояще за ны собо́рне Христу́ Бо́гу, / утвержде́ние всем ве́рным бу́дите, / и́же к вам припа́дают, глаго́люще: / ра́дуйтесь, Дýха Свята́го обита́лица прекра́сная, / ра́дуйтесь, Де́вы Пречи́стыя честни́и служи́телие, / ра́дуйтесь, мы́сленная свети́ла церкóвная, / ра́дуйтесь, ко Христу́ мона́хов мно́жества приве́дшии, / и, я́ко иму́щии дерзнове́ние ко Го́споду, // моли́те спасти́ся душáм на́шим.

Слава, глас тойже:

Иже Троицы Святыя зарею просвещаемии/ и Престолу Христа Бога вину предстоящи,/ преподобнии отцы Псково-Печерстии,/ примите сие хвалёбное пение/ и непрестанно о нас молитесь,// почитающих верою пречестную память вашу.

И ныне, Богородичен: Преблагословенна еси:

НА ЛИТУРГИИ

Прокимен, глас 7: Честна пред Господем/ смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 24. Причастен: В память вечную будет праведник, от слуха зла не убоится.



Собор Псково-Печерских преподобных составляют семь святых: преподобный Марк († XV; память 29 марта); преподобный Иона († 1480; память 29 марта); преподобная Васса († 1473; память 19 марта); преподобномученик Корнилий († 1570; память 20 февраля); преподобномученик

Вассиан Муромский († 1570; память 20 февраля); преподобный Дорофей Югский († 1622); преподобный Лазарь Прозорливый († 1824).

Из первых старцев Псково-Печерской обители по имени известен лишь один **Марк**, который, вероятно, с другими монахами после разорения Киево-Печерского монастыря в 1416 году крымским ханом Едигеем поселился здесь в привычной пещере над ручьем. Зверолювы видели его молящимся у трех камней. Два камня и ныне лежат в монастырском саду, а третий ушел в землю. Имя Марка, записанное в монастырский синодик преподобным Ионой, преподобный Корнилий за неимением сведений о нем велел изгладить из списка. Внезапно он был поражен слепотой и расслаблением. Извещенный в откровении о причине болезни, игумен Корнилий покаялся у гроба старца Марка и, получив исцеление, восстановил его святое имя в монастырском диптихе. Когда выкопали пещерную церковь Успения Пресвятой Богородицы и расширили погребальные пещеры, нашли гроб преподобного Марка истлевшим, а мощи и одежду невредимыми.

Древнюю пещеру, в которой жили и молились первые иноки, обнаружил в 1472 году во время рубки леса хозяин здешних угодий крестьянин Иван Дементьев. Одно из срубленных

деревьев покатило вниз, сдирая землю и вырывая с корнем другие деревья. Обвал открыл вход в пещеру, над которой была надпись: «Богом зданная пещера». Впоследствии юродивый монах Варлаам стирал надпись, но она вновь чудесно восстанавливалась.

На это святое место, намоленное первыми подвижниками, пришел священник Иоанн по прозвищу Шестник — переселенец. Он священствовал в Юрьеве (ныне Тарту), но в 1470 году был вынужден бежать с семьей в Псков от преследований немцев-католиков. Вскоре заболела его жена Мария и, приняв монашеский постриг с именем **Васса**, скончалась. Праведность ее была засвидетельствована сразу же после кончины. Преподобную Вассу похоронили в стене «Богом зданной пещеры», но ночью ее гроб был изставлен из земли невидимой Божьей силой. Ее муж и духовный отец смутились, решив, что они не полностью совершили чин отпевания, вторично отпели ее и снова погребли тело, но наутро оно вновь оказалось наверху земли. Тогда стало ясно, что это — знамение Божие. Гроб преподобной Вассы поставили в пещере с левой стороны. Потрясенный чудом, Иоанн принял монашество с именем **Ионы**. Собственноручно ископав пещерную церковь, он испросил благословения у Новгородского архиепископа Феофила освятить ее. 15 августа 1473 года пещерный храм был освещен в честь Успения Пресвятой Богородицы. При освящении произошло чудо от иконы Успения Пресвятой Богородицы — прозрела слепая женщина. Эта икона хранится сейчас в алтаре Успенского храма на горнем месте. День освящения пещерного храма считается официальной датой основания Псково-Печерского монастыря. Преподобный Иона подвизался в пещерной обители до 1480 года и мирно отошел ко Господу. По смерти на его теле обнаружили кольчатый панцирь, который повесили над его гробом, но при набеге немцев он был похищен. Мощи преподобного Ионы почивают в пещерах рядом с мощами преподобного старца Марка и преподобной Вассы. Однажды при нападении на монастырь ливонский рыцарь, насмехаясь

над святыми мощами, хотел мечом открыть крышку гроба преподобной Вассы, но его опалило исшедшее из гроба святой подвижницы пламя. Следы этого карающего огня до сих пор видны на гробе преподобной Вассы.

Важные изменения в Печерской обители произошли при игумене **Корнилии**. Преподобномученик Корнилий родился в 1501 году во Пскове в семье бояр Стефана и Марии. Чтобы дать сыну образование, родители отдали его в Псковский Мирожский монастырь, где он подвизался под началом старца: делал свечи, рубил дрова, обучался грамоте, переписке и украшению книг, иконописи. Закончив учение, Корнилий принял иноческий постриг в Псково-Печерской обители. В 1529 году, в возрасте 28 лет, преподобный Корнилий был возведен во игумена и избран настоятелем монастыря. В его настоятельство Псково-Печерская обитель достигла наибольшего расцвета. Число братии увеличилось от 15 до 200 человек. Деятельность преподобного Корнилия простиралась далеко за пределы обители: он распространял Православие среди живших вокруг монастыря эстов и сэту, строил церкви, больницы, дома для сирот и нуждающихся. Во времена ужасного мора на Псковщине преподобный Корнилий бесстрашно ходил по моровым деревням причащать живых и отпевать умерших. Во время Ливонской войны преподобный Корнилий проповедовал христианство в отвоеванных городах, строил там храмы, щедрой рукой раздавал пострадавшим во время войны эстам и ливам пособия из монастырских запасов; в обители безмездно лечили и кормили раненых и изувеченных, хоронили в пещерах убитых и вписывали их имена в монастырский синодик на вечное поминовение. В 1560 году, в праздник Успения Божией Матери, преподобный Корнилий послал в благословение русским войскам, осаждавшим город Феллин, просфору и святую воду. В тот же день немцы сдали город. Печерская обитель, возникшая на границе Русского государства, была не только светочем Православия, но и крепостью против внешних врагов России. В игуменство Корнилия были возведены мощные

крепостные стены (длиной 700 метров) и башни, Благовещенский храм, церковь святителя Николая, монастырская звонница. Преподобный Корнилий был большим знатоком и любителем книг. Он отредактировал Псковскую летопись, составил «Повесть о начале Печерского монастыря». При нем монастырь стал культурным центром Псковской земли. Здесь была собрана богатейшая библиотека.

Царю был сделан ложный донос об измене Псково-Печерских монахов. Это привело к мученической кончине игумена Корнилия и его друга и сподвижника ученого старца **Вассиана**. По древнему монастырскому преданию, Иван Грозный, прибыв 20 февраля 1570 года в обитель, сам отсек мечом голову игумену Корнилию, но тотчас раскаявшись, на своих руках отнес тело преподобномученика к Успенскому храму по дороге, называемой с тех пор «кровавым путём». Тело святого игумена было положено в стене «Богом зданной пещеры», а в 1690 году перенесено в соборную Успенскую церковь. В 1872 году 17 декабря мощи святого были переложены вместе с прежним гробом во вновь устроенную посеребренную медную раку. Служба и житие преподобномученика Корнилия помещены в минее февраль в 20-й день, когда празднуется его память.

В Псково-Печерском монастыре духовно возрастал преподобный **Дорофей**, который в 1615 году, будучи уже схимником, по зову Божию вышел из обители, чтобы на новом месте на Ярославской земле посеять драгоценное семя истинной духовности, полученное в родном монастыре, и основать новый монастырь — Югско-Дорофеевскую обитель.

Преподобный **Лазарь** Прозорливый родился в 1733 году. Он был священником в Опочке, а после смерти жены

принял монашеский постриг в Псково-Печерской обители в 1785 году. До 1800 года он исполнял послушание монастырского казначея. Келья старца напоминала пещеру — так в ней было мало света. Ради памяти смертной в келье стоял гроб, сделанный самим преподобным. Старец был невысокого роста, бледный, худой, всегда, кроме церковных служб, ходил с закрытым лицом; носил железные вериги весом 25 фунтов; спал на досках с камнем в изголовье; часто всю ночь простаивал на молитве в Успенской церкви. Когда усопшего старца Лазаря положили в гроб и на третий день собирались погребать, преподобный ожил. На вопросы о том, что сподобилась видеть его душа, схимник отвечал словами псалма: «Смерть грешника люта». 29 мая 1822 года преподобного Лазаря посетил император Александр I. Старец беседовал с государем о молитве, о долге православного царя перед народом и Отечеством. Во время беседы он предсказал день своей кончины. Старец и государь почтили друг друга земными поклонами. Царь плакал, умилившись духовной мудрости и кротости старца. На погребение преподобного Лазаря собралось так много людей, что монастырь с трудом мог всех вместить.

В 1990 году Святейший Патриарх Пимен благословил совершать службу Собору Псково-Печерских преподобных. С 1996 года по благословению Святейшего Патриарха Алексия II Собор Псково-Печерских преподобных празднуется общецерковно в 4-ю Неделю по Пятидесятнице, а в те годы, когда 4-я Неделя совпадает с Рождеством Иоанна Крестителя или с праздником первоверховных апостолов Петра и Павла, празднование Собора переносится на 5-ю Неделю по Пятидесятнице.

